



DOCUMENTU POLÍTICU

SOMOS ASTURIAS



BLOQUE I. OXETIVOS POLÍTICOS N'ASTURIES

TÍTULU I. PRINCIPIOS POLÍTICOS

CAPÍTULO 1. L'ASTURIES QUE ÑAZ

Cada día espertámonos con un nuevu escándalu de corrupción y tenémoslo más claro. Hai una Asturias que muere: l'Asturies de la corrupción, les cuentas en Suiza y les redes clientelares, la de Villa y la mafia político-sindical, la del Pautu de la Zorea y la vieya política, la del afuegu al mundu rural. Vivimos nuna permanente seca económica que se traduz nuna sangría demográfica. Fracasaron les polítiques pa la reconversión económica y los fondos mineros, de formación, o de la Unión Europea foron saquiaos pel camín. Vémoslo en miles de millones d'euros gastaos n'infraestructures qu'agora namás son tumbes de formigón y nos más de 20.000 moces y asturianos/os emigraes y emigraos dende l'entamu de la crisis.

Pero tamién hai una Asturias que ñaz: la de les ciudadanes y ciudadanos llibres que decidimos facenos corresponsables de la política y recobrar la soberanía. Tamos viéndolo dende'l 15M: surdieron nueves formes de participación, organización y empoderamientu ciudadanu nes cais y nos barrios, nes asamblees y mareas de trabayadores y d'estudiantes, o nos nuevos centros sociales. Porque tamos haciendo política poles nueses vides, pa nun tener qu'emigrar, pa poder tener un trabayu dignu, para poder formar una familia. **PODEMOS** tornóse nuna pieza clave nel tableru políticu asturianu y una ferramienta de tola xente d'Asturies.

Xugámonos muncho esti mes de mayu: son más qu'unes elecciones, son el primer pasu pa recobrar el nuesu presente y ganar el nuesu futuru. Ye la hora de gobernar pa la xente y dende la xente, la sonrisa ta cambiando de bandu.

CAPÍTULO 2. SOMOS UN PROYECTU DE CAMBIU PA TOA ASTURIES

El proyectu SOMOS ASTURIES (y los sos correllatos municipales) ye la forma de construcción de la iniciativa PODEMOS n'Asturies. A nivel organizativu, el modelu aprobáu na Asamblea Ciudadana de PODEMOS ye un paragües que dexa llibertá d'acción pa desenvolvelu y complementalu nos estremaos territorios. Los Conseyos Ciudadanos y Secretaríes, si actúen con independencia de los círculos, diben cayen nes formes desilusionantes de la vieya política arruinando la participación. Apostar pola participación ye l'antídotu escontra los qu'entienden la acción política como una simple maniobra pa buscar un cargu: **PODEMOS** ta construyendo un proyectu, non repitiendo estructures escoses. Por ello ye importante impulsar espacios pa la delliberación y l'intercambiu d'idees, como los Alcuentros Ciudadanos, y espacios de converxencia colos movimientos sociales, les Asamblees Sociales.

A nivel políticu, les nueses prioridaes han tar en ganar les elecciones autonómiques pa degolar el marcu político-institucional y desenvolver un programa políticu

collaborativu, construyíu en comuña por toos y por toes, mirando prioritariamente poles necesidaes más urxentes de la población y redefiniendo dende la acción llexislativa y de gobiernu cuál ye l'Asturies que queremos pa los quince años vinientes.

Paralelamente, tenemos falta d'una estructura coordinada ente tolos conceyos, con círculos que caltrien na realidá de cada llocalidá, un grupu de trabayu numberosu con capacidá técnica (audiovisual, diseñu, redes sociales, apoyu xurídicu, xente con conocencia fonda de la realidá social...) como elementu d'ayuda y apoyu mutuú en cada conceyu y con un proyectu municipal y autonómicu común dende'l que construyir un proyectu de vida pa l'Asturies que ñaz. Caltener estes estructures abiertes y participatives vacúnanos del peligru de construyir un aparatu electoralista ensin capacidá política de tresformación de la realidá y que nos allonxaría de la xente y de la razón de ser de **PODEMOS**.

Con **SOMOS** tamos trabayando nel **PODEMOS** qu'imaxinamos y que precisamos pa ganar. Delantre l'Asturies que muere, con **SOMOS** tamos construyendo l'Asturies que ñaz.

CAPÍTULO 3. MARCU XENERAL PROGRAMÁTICU

Asturies foi de les últimes n'enanchar el so techu competencial partiendo del perreducíu marxe col qu'empicipió'l desarrollu autonómicu. El lentu y complexu procesu d'enanchamientu de competencies llexislatives tuvo venceyáu a un procesu, daqué más aceleráu, de decadencia económica y desaniciu del texíu productivu, y sincronizáu nel tiempu, tamién, con una progresiva dependencia d'ayudes esteriores, sobre manera europees, que nun foron quien a parar la sangría. Llegamos al crack de 2008 con una esperiencia de sobra probada en materia de crisis económicques, con una maquinaria institucional y burocrática bien poco operativa y, amás, con un escasu pesu políticu nel conxuntu del Estáu autonómicu.

Toes eses variables axúntense a la hora de dibuxar un panorama socio-políticu marcáu por a) l'ausencia d'un proyectu políticu y económicu vertebrador de la sociedad asturiana, b) l'arrenunciu de los partíos de la casta a desendolcar la capacidá llexislativa autonómica na direcció d'una verdadera democratización de les instituciones, c) un desapegu que medra de la ciudadanía p'hacia les instituciones autonómicques y los partíos que tienen por elles, y d) l'afitamientu de los llazos, cada vuelta más enguedeyaos, qu'axunten los intereses privaos, les redes clientelares de los partíos y la despotenciación del poder autonómicu asturianu.

El refalfiu ciudadanu esplica fenómenos como l'ascensu de Foro Asturias Ciudadanos, un partíu construyíu a mayor gloria de Francisco Álvarez Cascos y que, con namás seis meses de vida, llogró acceder a la presidencia del Principáu

por cuenta de movilizar el descontentu colos los partíos del pautu de la Zoreda. Tratándose d'una plataforma política personalista y representativa namás d'una parte de los intereses de las élites extractives, abultaba que l'esperimentu diba tener un percorríu bien curtiu , y asina quedó patente pocu tiempu dempués, col resultáu d'un adelantu electoral y el retornu al gobiernu asturianu d'un agónicu PSOE que, en minoría, nun-y sentó mal la fartura de pautar presupuestos col PP, adelantando la foto finish de lo que se fai entever como inevitable en tol Estáu español: una gran coalición, de iure o de facto, ente PSOE y PP pa detener l'avance d'una marea democrática qu'espoleta.

PODEMOS, n'Asturies, ha ser la punta de llanza d'esa marea democrática. D'ehí que lo principal del nuesu programa políticu a nivel autonómicu tenga que s'alcontrar nel métodu con que se elabore esi programa, nel so calter inclusivu y dialogante, y na valoración de la intelixencia colectiva para construyir proyectos de futuru, una fueya de ruta que nun dependa de reequilibrios territoriales nin del poder de seducción de les puertes xiratories.

En llinies xenerales, esi programa Asturias 2030 habría transitar peles siguientes llinees d'actuación:

1. Un plan de rescate ciudadanu que dea respuesta a les necesidaes económiques que más precisa la población, frenando un aprobechamientu qu'espoxiga na sociedá asturiana.
2. Una recaptación y recuperación de talentos y d'intelixencia colectiva que seya quien a diseñar un proyectu políticu y económicu viable a mediu y llargu plazu.
3. Una auditoría de la delda autonómica y una investigación rigurosa del saquéu lleváu a términu de les arques públiques nos últimos años, empobinaes entrambes les dos a la restitución ya igua del dañu fechu, como tamién al señalamientu de responsabilidaes.
4. Un plan de choque que torne'l procesu de privatización y esmantelamientu de los servicios públicos básicos (sanidá, educación, servicios sociales...).
5. Un plan de rexeneración democrática empobináu a resignificar los espacios comunes, apurriendo l'accesu de la ciudadanía a la xestión de los recursos económicos, institucionales y culturales, redefiniendo'l papel de les instituciones autonómiques y el so marcu xurídicu.

TÍTULO II. LES PRÓXIMES ELECCIONES AUTONÓMIQUES

CAPÍTULO 1. ELECCIONES AUTONÓMIQUES NEL CICLU ELECTORAL

Les elecciones autonómiques de mayu son escepcionales. En primer llugar, suponen la primer oportunidá de desallugar del gobiernu autonómicu de los partíos turnistes (incluyendo a Foro Asturias Ciudadanos), canalizando la indignación ciudadana p'hacia un nuevu mou de tomar decisiones. En segundu llugar, coinciden en tiempu y llugar con unes elecciones locales onde la irrupción de candidatures d'unidá popular va marcar l'axenda política tamién a escala autonómica. En tercer llugar, son el primer pasu de **PODEMOS** na axenda electoral, y nel casu d'Asturies, un primer pasu con abondes posibilidaes d'éxitu.

Pero nun podemos inorar la enorme responsabilidá que supón esti retu con mira a les elecciones xenerales previstes pa la seronda de 2015. Cualquier pasu en falsu diba argayar les espectatives xeneraes pa **PODEMOS** nel conxuntu del Estáu. La construcción del nuesu procesu autonómicu ha ser corresponsable cola remodelación de proyectu d'Estáu pol que **PODEMOS** nagua. Acompasar los ritmos y nun dexar de mirar polo que nos xugamos en cada escala electoral.

Toos estos factores combinaos llévennos a un horizonte electoral con polo menos tres posibilidaes onde **PODEMOS** tien qu'aspirar a ganar les elecciones. Sicasí pue facer falta llograr la mayoría absoluta si queremos evitar un nuevu Pautu del Duernu o gran coalición ente PP, FORO o PSOE, una conxuntura que diba poder reproducise a nivel estatal. Hai que recordar que **PODEMOS** nun ta equí pa dar fuelgu a fuerces polítiques que representen al Réxime que queremos superar.

Nel proyectu SOMOS Asturias vemos la necesidá d'aportar a estes elecciones autonómiques cola denominación **PODEMOS** y en consecuencia y sincronía coles candidatures ciudadanes onde participen los nuestos compañeros y les nuseses compañeres.

CAPÍTULO 2. FUEYA DE RUTA Y PROYECTU ELECTORAL

Fases na elaboración de la candidatura autonómica y del programa electoral.

1. 15-28 febreru. Identificación de sectores clave na construcción del programa electoral y apertura d'espacios de diálogu con ellos. Identificación de perfiles óptimos pa configurar una candidatura que faiga visible y enanche'l radio d'acción del programa en cursu de **PODEMOS**.

- a. Esta fase coincide colos alcuentros con organizaciones sociales programaos a nivel municipal. Nestos alcuentros va habilitase un espaciu d'alderique y recoyida de propuestas a nivel autonómicu. Van celebrase tamién alcuentros sectoriales a escala autonómica que van continuar na fase viniente. Va abrise tamién un espaciu de delliberación y diálogu n'internet pa recoyer propuestas.
 - b. Nel trescurusu d'esta fase d'entamu, y según vaigan concretándose y definiéndose les exes del programa electoral, ellaborarás una propuesta de perfiles óptimos pa la configuración de la candidatura electoral.
2. 1-31 de marzu. Construcción secuenciada y detallada del programa electoral./ Presentación de candidatures y procesu de primaries.
 - a. Aprovechando la celebración d'Asamblees Sociales y Alcuentros Inter-Municipales, van entamase equipos d'ellaboración de programes con aportaciones que s'espeyarán nun documentu-marcu que va debatise nuna Asamblea Social.
 - b. Al empar, va abrise un plazu pa la presentación de candidatures n'aprobándose'l decretu al efectú. Van escoyese a les y los integrantes de la candidatura autonómica de **PODEMOS** en primaries abiertes. La llista resultante tará compuesta de forma acuriosada de mayor a menor número de votos algamaos, corrixida namás por un criteriu d'equilibriu de xéneru (50% homes, 50% muyeres).
3. Del 31 de marzu al 21 d'abril. Plebiscitu ciudadanu alredu de les necesidaes d'intervención urxente (plan de rescate ciudadanu). Dientro esti plazu habrá finar el trabayu de los equipos d'ellaboración de programa y celebraráse l'Asamblea Social onde se llevará al alderique y corrixiráse'l documentu-marcu. Finalmente va celebrase'l plebiscitu ciudadanu onde van escoyese les llínies prioritaries d'intervención qu'habrán abordase con calter d'urxencia nos primeros 100 díes de gobiernu.
4. 21-25 d'abril. Robla del programa electoral pola Asamblea Ciudadana de **PODEMOS Asturias**.